

# NGEKUTI WABARWA PATSWA



Chris Oyakhilome, D.Sc., D.D





# Ngekuti Wabarwa Patsva

Chris Oyakhilome, D.Sc., D.D

Ndima dzese dzakanyorwa mubhuku iri dzakatorwa muBhaibheri (reChishona Chekare), rinowe rinode kuwirirana ngereChirungu reKing James Version (KJV). Ndima dzinenge dzakaturikirwa kubve kune amweni maBhaibheri eChirungu dzinenge dzakaratidzwa zvakajeka.

Bhuku iri rakatsikiswa kePiri mugore ra 2003

Published by: LoveWorld Publishing  
Copyright © 2006

*email: [info@loveworldbooks.org](mailto:info@loveworldbooks.org)  
website: [www.loveworldbooks.org](http://www.loveworldbooks.org)*

All rights reserved under International Copyright Law. Contents and/or cover may not be reproduced in whole or in part in any form without the express written permission of LoveWorld Publishing Ministry.

# ZVIRI MUKATI

1. IWE CHAIYE	7
2. IWE WAWE CHISIKWA CHITSA	13
3. WAWE WeRUDZI RwaMWARI. WAWE WeROPA ReWAMWARI!	15
4. IWE WAWE KURURAMA KWAMWARI!	21
5. IWE WAKACHENURWA!	23
6. IWE WAWE MUNHU ANOYERA!	25
7. IWE WAKASUNGUNURWA!	29
8. MWEYA VAMWARI AWE KUGARA MAURI!	33
9. CHII CHAUNGOFANIRE KUITA KANA PFUNGWA DZAKASHATA DZAIYA MUMUSORO MAKO?	25
10. CHII CHAUNGOFANIRE KUITA KANA SHAMWARI DZAWAIMBOSITAMBA NADZO DZICHITSVAGE KUKUODZA MOYO?	45
11. CHII CHAUNGOFANIRE KUITA KANA UKATAMBUDZIRWA KUNAMATA KWAKO?	51
12. MWEYA MUTSVENE AWE MUHUPENYU HWAKO	59
13. KO, UNGOFANIRA KUENDA KUCHECHI HERE?	71



## *Hama Yandinoda,*

**M**akorokoto! Wagamuchira Jesu Kristu. Wamugamuchira kuti awe iye Mutongi wehupenyu hwako. Uye kuti awe Muponesi wako. Kurewa kuti wawana ruponeso. Ruponeso urwu runogara ngekusingaperi.

Ndine zviro zvandinoda kukufundisa. Izvi zviro zvechokwadi. Ndizvo zvinotsigisa rutendo rweWakristu. Ndinode kuti newewo ushandise zviro izvi. Zvishandise kuwaka hupenyu hwako. Ndokuti huwe hupenyu hwakasimba. Hunofadza. Saka nyatsoerenga zvakanyorwa mugwaro rino. Uzvishandise. Unozowana goho. Goho iri rinozogara ngekusingaperi.

Ndinonyengetera kuti Mwari akupe Mweya wenjere. Akupewo Mweya wekuzarurirwa. Ndiko kuti ugomuziwa. Uso wekuzwisisa

kwako agovhenekerwa. Kuti ugoona kukura kwetariro yaakakudanira kwairi. Ugoziwawo zviro zvese zvawakapihwa pachena. Zviro izvi zviri muna Kristu. Amen.

Zvakanyorwa mugwaro iri zvichazokubatsira. Zvichaite kuti ukone kutanga hupenyu hwako hutsva muna Kristu. Paunozvifunda, tarisa muBhaibheri rako uzvifundire wega Magwaro.

Masoko ari mugwaro rino achashandura hupenyu hwako. Achakubatsira kuronga hupenyu hwako. Uchihumisa paSoko raMwari. Izvi ndizvo zvandinotarisa.

Mwari ngaakuropafadze zvikuru, muZita raJesu. Amen.

*Mufundisi Chris Oyakhilome*

## IWE CHAIYE

Iwe hausi muwiri waunoona badzi. Hausi demhe rinongokona kuona. Kuzwa zviri kuitika munyama. Kuzwa ngenzewe. Kubata. Kuraira. Ngekufembedza badzi. Mukati mako mune chimweni chiro. Munotowe ngeumweni munhu. Munhu uyu haasi muwiri wako wenyama badzi. Munhu uyu mweya wako. Iyeye ndiye iwe chaiye.

Bhaibheri rinobhuya pamusoro pemunhu uyu. Rinomudaidza kuti munhu wemukati. Izvi ndizvo zvatinoerenga muna 1 Pita 3 ndima 4.



Inoti, “Asi ngaashongedze moyo wake. Unowe ndiye munhu wemukati. Asingafe. Mweya wake uwe wakazvinipisa. Wakadzikama ...”.

Muwiri wemunhu ungafe. Asi mweya wake unoramba uri mupenyu. Unenge uchingowe munhu. Munhu uyu anenge akatokwana. Achingowe zvaagara ari. Hapana chinenge chabviswa paari. Kunze kwekuti anenge asati achakona kushanda ari panyika pano. Muwiri unenge wafa hawo. Asi mweya wake unenge uchiri kurangarira. Uchitoziwa zviro zvaange ari achiri mumuwiri wenyama. Mweya uyu ndiye munhu chaiye.

Jesu Kristu akambobhuya pamusoro peamweni warume. Nhorondo yacho tinoiwana muna Ruka 16. Warume awa wakange wari wairi. Umweni wacho akange ari murombo. Zita rake ainzi Razaro. Umweni akange ari mupfumi. Razaro aiwe murombo hake. Asi moyo wake wakange wakarurama. Izvozvo ndizvo zvakange zvakakosha paari.

Razaro uyu akafa. Akatorwa. Akaendeswa kune imweni nzvimbo. Nzvimbo iyi yainzi Chipfuwa chaAbhurahamu. Murume wepiri akange akapfuma. Asi hupenyu hwake hwakanga husina kururama. Iye akazofawo.

Nyatsoongorora nhoroondo iyi. Murume uyu akafa. Mutumbi wake ukawigwa. Wakawigwa panyika pano. Asi Jesu anoti iye akaenda kugomba remoto. Akabve asimudza meso ake. Akaasimudza ari ikoko kugomba remoto. Akaona Razaro. Razaro akange ari muChipfuwa chaAbhurahamu. Murume uyu akabve aziwa Razaro uyu. Akabve adaidzira. Achibhuya kuna Abhurahamu. Achiti, “Ndapota! Ndibatsireiwo!” Kurewa kuti murume uyu akanga achiri kukona kubhuya. Abhurahamu akamudaira. Iye akazwa izwi raAbhurahamu. Kurewa kuti akange achiri kukona kuzwa.

Mupfumi uyu ane zvaakaziwisawo Abhurahamu. Akati akange aine nyota. Uye

akange ari kurwadziwa. Saka akadamba kwaari. Achiti, “Ndapota. Nditumireiwo Razaro. Aundiunzirewo mvura. Kunyangwe donhwe zvaro. Nokuti ndine nyota”. Kurewa kuti akange achiri kukona kuzwa zvaitika kwaari.

Murume uyu akanga achiri kuchitorangarira zviro. Ngekuti akabve ati, “Torai umweni munhu. Mutorei kubva pane wakafa. Mumutume kuwanin’ina wangu. Anowaparidzira”. Akange aine wanin’ina wake. Wanin’ina awa waiwe washanu. Waiwe wachiri panyika. Saka akafunga achiti, “Kuda kukawana umweni kubve kuwafi anowaparidzira, wagotenda”. Saka mupfumi uyu aitorangarirawo wanin’ina wake!

Saka muwiri wemunhu ungafe hawo. Asi mweya wake unosara uri mupenyu. Izvi ndizvo zvatinoona munhoroondo iyi. Zvino, munhu angabarwe patsva. Mweya wake uyu ndiwo unenge wabarwa patsva.

**2 VaKorinde 5 ndima 17 kusvika 18 inoti**

*"Saka kana munhu awe muna Muponesi. Yawe imweniwo mhuka. Itsva. Zvaakange ari kare hazvichisipo. Tarisa uone. Zvawepo zvese zvaawe zvitsva. Uye zviro zvese izvi. Zvitsva. Zvakabve kuna Mwari. Iye akashandisa Jesu Muponesi. Akamushandisa kutidzosa kwaari. Akatipawo basa. Rekudzosa wanhu kwaari".*



## IWE WAWE CHISIKWA CHITSA

Iwe wakape hupenyu hwako kuna Jesu Kristu. Ndiye awe kutonga hupenyu hwako. Saka wasiyana ngezvawakange uri kare. Chimiro chako hachina hacho kushanduka. Asi munhu wako wemukati awe mutsva. Izvi ndizvo zvinobhuya Bhaibheri. Tinoerenga izvi muna 2 Vakorinde 5 ndima 17. Hausi munhu “akafanana ngechisikwa chitsva”. Asi kuti “watowe chisikwa chitsva”. Hauchina nhoroondo yehupenyu hwekare.

Iwe wakabarwa patsva. Uku kwakange kusiri kungogadziriswa. Kwakanga kusiri kungoumbiridzwa. Kwakange kuri kubarwa patsva. Kwakange kuri kubarwa kwepiri. Kurewa kuti wakatouya uri munhu mutsva. Asi munhu wemukati uyu ndiye mutsva. Saka hazvirewe kuti chimiro chako chingofanire kushanduka. Ungawe wanga wakagerwa musoro. Musoro uyu unoramba wakagerwa. Haushanduke ngekuti wabarwa patsva. Uchiri kuita basa rimwe chete iroro. Uchiri mumhuri yekare iya. Uchiri kugara kwawaisigara.

Asi washanduka mukati. Mweya wako wawe mutsva. Saka tsika dzako dzawe itsva.



## **Wawe Werudzi Rwamwari. Wawe Weropa Rewamwari!**

Mwari akakuite mwana wawo. Akakupe mvumo yekuwe mwana wake. Akaite izvi ngekuti wakabarwa patsva. Izvi ndizvo zvatinoerenga muna Johane 1 ndima 12. Saka mweya wako wawe werudzi rwaMwari. Washanduka rudzi. Wawe weropa raMwari. Jesu Kristu ndiye akaite kuti izvi zvikoneke. Zvinoitika kumunhu wese anenge amugamuchira. Ichi chiro chinofadza chose. Saka wawe werudzi rweWamwari. Izvi ndizvo

zvatinoerenga muna 2 Pita 1 ndima 3 kusvika 4.

Mwari ndiye awe Baba wako. Izvi zvakaitika sei? Chiro chimwe ngechimwe chinobara rudzi rwacho. Ndosaka imbwa ichibara imbwa. Johane 1 ndima 12 kusvika 13 inoti, “Asi kune amweni wakarigamucha, zita rake. Wanhu awa wakabva wapihwa simba. Ngemvumo. Yekuti wawe wanakomana waMwari. Wanhu awa wakabve wabarwa kepiri. Kwete ngeropa. Kana ngekuda kwenyama. Kana ngekuronga kwemurume. Asi wakabarwa naMwari pachake”.

Mwari mubereki chaiye. Anotozwawo “nyoka dzake kuhamba hamba”. Anozwa izvi paanofunga ngezvako. Iwe wawe nhengo yemhuri yake. Kurewa kuti wawe chibarwa cheKudenga. Kudenga uku ndiko kwaanogara iye.

Mwari ndiye awe ngebasa rekukuchengeta. Ungawe ngezviro zvaunoda. Izvi zvingawe zvinodiwa pakurarama. Mwari ndiye awe

kukupa zviro izvi. Anozvitora papfuma yake. Pfuma iyi haiperi. Ipfuma yeWamwari. Inowanikwa muna Kristu Jesu. Izvi ndizvo zvatinoerenga muna Vafiripi 4 ndima 19. Iye ane zvaakatorongera hupenyu hwako. Zvaakaronga izvi zvakanaka. Zvakatanga kuitika musi wawakabarwa patsva. Uri mwana waMwari. Uri mwana waanofarira. Wawe mumhuri yewanhu wane rudo. Ichi chiro chakakosha chose. Mwari aida kuti uwe nhengo yeHumambo hwake. Ndiko kusaka akakuita munhu weropa rake.

Mwari akakupe hupenyu husingaperi. Akakuite weropa rake. Izvi ndizvo zvinobhuya Bhaibheri. Saka wawe werimweni ropa. Ropa iri ndiro rina Mwari. Ndiro rinoite kuti asiyanengewanhu wenyika ino. Iropa reWamwari. Ndiro rakaite kuti guwa risakone kuvharira Jesu Kristu. Iropa rewanhu waye wakambofa. Wakakurira rufu. Wakazomuka. Ndiro ropa rawawe narowo iwe. Ndi hwo hupenyu

hwawawe nahwo.

*1 Johane 5 ndima 11 kusvika 13 inoti,  
 "Zvaakabhuya zvacho ngezvinoti.  
 Mwari akatipa hupenyu husingaperi.  
 Kuti tiwe weropa rake. Zvino hupenyu  
 uhu huri muMwanakomana wake.  
 Munhu angawe naMwanakomana.  
 Anenge awe ngehupenyu uhu. Anenge  
 awe weropa rake. Asi anenge asina  
 Mwanakomana waMwari. Haana  
 hupenyu uhu. Haasi weropa rake.  
 Ndakakunyorera zviro izvi. Iyemi  
 wakagamuchira zita reMwanakomana  
 waMwari. Kuti muziwe kuti mawe  
 ngehupenyu husingaperi. Mawe weropa  
 raMuponesi".*

Saka munhu angawe naMWANAKOMANA.  
 Munhu uyu ndiye chete anenge awe

weropa rake. Ngekuti hupenyu uhu huri muMwanakomana waMwari. Kurewa kuti wakapihwa hupenyu uhu. Wakahupihwa pawakagamuchira Jesu.

Iwe wawe weropa iri. Hazvichakoneke kuti ukurirwe. Wawe kutonga zviro zvese. Izvi zvinoshamisa chose! Hazvikoni kuti Mwari waparadzwe. Hazvikoni kuti akurirwe. Zvino iwe wawe weropa rake. Kurewa kuti hazvichakone kuti uparadzwe. Hazvichakone kuti ukurirwe. Ngekuti una Mweya wawawe nawo. Mweya uyu ndiwo wakamutsa Jesu Kristu kuwafi. Ndiwi wawe kugara mukati mako. Izvi ndizvo zvatinoerenga muna Varoma 8 ndima 11



## IWE WAWE KURURAMA KWAMWARI!

2 Vakorinde 5 ndima 21 inoti, *“Muponesi uyu akange asina chiwi. Achitozviziwa kuti akange asina chiwi. Asi Mwari akamuita chipiriso chechiwi. Kuti isu tiwe kururama kwake kuya. Kuri muna Muponesi ”.*

Iwe chimbofunga Mwari achibvisa zvakashata zviri munyika. Achizvitsiwa ngezvakanaka, zvinomufadza. Iye akaite kuti Jesu awe chiwi. Kurewa kuti ndiye akawe chipiriso chechiwi. Akaite izvi achitsvaga kubatsira isu. Kuti isu tiwe muna Kristu. Tigowe



kururama kwaMwari.

Ndiko kusaka Jesu akafa semutadzi. Akafa kudai akakumiririra iwe. Ngekuti iwe ndiwe wakanga uri mutadzi wacho. Saka ikozvino wawe kukona kusvika pana Mwari. Unosvika paari usingazwe semunhu ane mhosva. Usingatye. Uye usingazwe semunhu asina kukodzera. Izvi ndizvo zvatinoerenga muna Vahebheru 10 ndima 19, naVaroma 5 ndima 1.

## IWE WAKACHENURWA!

Kuchenurwa kuitwe sei? Zvinorewa kushambadzwa semunhu asina mhosva yaakapara. Ndiwo maonerwe aunoitwa naMwari. Anokuona semunhu asina mhosva yaakapara. Izvi ndizvo zvatinoona muBhaibheri. Tinoerenga masoko acho muna Varoma 5 ndima 1. Anoti, “Saka rutendo ndirwo runotichenura. Ndirwo runoite kuti titorwe sewanhu wasina mhosva yawakapara. Kurewa kuti Ishe Jesu Muponesi uyu. Ndiye akatiyananisa naMwari”. Saka Iwe wakachenurwa!

Iwe ndiwe wakanga watadza. Saka ndiwe waifanira kurangwa. Asi Jesu akakumiririra. Akarangwa iye. Akaite izvi paakafa pamuchinjikwa. Kunyangwe zvake iye akange asina zviwi. Izvi ndizvo zvatinoona muna 1 Pita 2 ndima 22. Ndiko kusaka Mwari wasisiri kukuona semutadzi.

*Bhaibheri rinobhuya muna 2 Vakorinde 5 ndima 19 richiti, "Kurewa kuti Mwari akange ari muna Muponesi. Achidzosa wanhu kwaari. Asinga-waerengeri zviwi zvawo. Akabve aise soko mumaoko edu. Soko iri ndiro ratinoshandisa kudzosa wanhu kwaari".*

## **IWE WAWE MUNHU ANOYERA!**

Ngatimboti iwe wanga wawira mumatope. Ukabve wasviba chose. Umweni munhu obva auya. Obva akubvisa kubve mumatope aya. Saka unenge wabuda mumatope aya. Chaunenge wawe kuda wabva ipapo kugeza tsvina iya. Unenge woda kubvisa matope aya kubva mauri. Kuti zvisasara zvichiita sekuti wanga wambowira mumatope. Iri ibasa rinotora nguva.

1 Vakorinde 6:11 inoti,

*"...Asi ikozvino Mweya waMwari wedu akakusukai. Akakueresai. Akakuitai watsvene. Akakuchenurai. Akaite izvi zvese muzita raIshe Jesu."*

Kuyereswa kuri pairo. Chekutanga Mwari anokubvisa mumatope. Izvi ndizvo zvinoitika paunobarwa patsva. Pakarepo, unobva wawe munhu anoyera. Unobve waitwe mutsvene. Unenge wabviswa kubve munyika ino. Unenge waiswa kuna Mwari. Izvi ndizvo zvinobhuya Bhaibheri. Wapedza izvozvo ungofanire kuchibvisa matope. Matope aya angofanire kubviswa mauri. Unoabvisa ngekugeza pfungwa dzako. Uchidziwandudza. Unoshandisa Soko raMwari kudzigeza. Uchibvisa zviri madziri. Uchizvitsiwa ngeSoko raMwari. Izvi ndizvo zvatinotaridzwa muna Varoma 12 ndima 2.

Asi pfungwa hadziwandudzwi kamwe chete. Dzingofanire kugara dzichingowandudzwa. Dzichingogezwa. Ngekuti pfungwa idzi dzine mashandiro adzajaira kuita. Hadzina kujaira kungogamuchira zviro. Dzinoda kutanga dzazviona ngemeso enyama. Asi kana dzikashandurwa. Dzinotanga kuona zviro ngenzira itsva. Iyi ndiyo nzira inoshandiswa naMwari kuona zviro. Ipapo unenge wawe kubhuya masoko aMwari. Uchiabuya ngenzira yaanobhuyiwa nayo naMwari. Achizokubuditsirawo zvaanobuditsira Mwari.





## IWE WAKASUNGUNURWA!

*Vakorose 1 ndima 12 kusvika 13 inoti,  
"Muchitenda Baba. Iwgo wakaite  
kuti tikodzere kupihwa pfuma yewats-  
vene. Iya inopihwa wari muchiedza.  
Iwo Baba waye. Wakatisungunura.  
Ndokutibvisa munzvimbo inotongwa  
ngerima. Wakatiisa munzvimbo iya.  
Inotongwa ngeMwanakomana wawo.  
Wawanofarira zvikuru".*

Iwe wawe nhengo yeHumambo

hwaMwari. Izvi zvakaitika paye pawakape hupenyu hwako kuna Ishe Jesu Kristu. Saka hapasisina mweya wetsvina wawe kukona kukukuwadza. Ungawe ngezvirango zvawange wakamboita. Izvi zvingawe zvirango zvawakaita ngemweya yakaipa. Ungawe wakaite zvirango izvi iwe pachako. Kana kuti wakazviitirwa usingazive. Wasungunurwa kubva pazvirango izvi. Wasungunuka kubva kutsika dzakaipa. Kubva kuchiwi. Zvirwere. Kana matenda. Ngemhaka yeyi wasungunuka kudai? Ngekuti wakasungunurwa kubve kumasimba erima.

Wakasungunurwa. Saka rima harichakone kukutonga. Harichakone kutungamirira hupenyu hwako. Wakabviswa kubva murima iri. Ukapinzwa muHumambo hwake. Izvi ndizvo zvinobhuyiwa ngeBhaibheri. Saka hauchafaniri kutya. Mwari ndiye awe Mufudzi wako. Uso wake wawe kugara uri pauri. Saka anokuchengeta nguwa dzese. Izvi ndizvo

zvatinoona muna Mapisarema 23 ndima 1.

Bhaibheri rinobhuya muna Johane 8 ndima 36 richiti, “Saka mungofanire kusungunurwa. Mwanakomana ndiye angofanire kukusungunurai. Ndokuti muwe wakasungunuka pachokwadi”. Mwari akakusungunura. Akabve akuise muHumambo hwake. Imomo ndimo mauri ikozvino. Ndimu mawawe kugara. Ndimu maungofanire kunge uri. Wakatosungunurwa kubve musimba rerima. Izvi zviro zvakatoitwa. Nyatsozwisisa ipapo.



## **MWEYA VAMWARI AWE KUGARA MAURI!**

Hupenyu hutsva uyu hunounza zvakawanda. Zviro izvi zvakanaka. Chimweni chacho ndiMweya vaMwari. Mweya uyu unouya ogara mauri. Kana achinge auya kudai. Anokubatsira kuzwisisa Soko raMwari. Uchibva warizwisisa ngemazvo.

Ungazofunda hako Soko raMwari. Mweya wako unenge wawe kurizwisisa. Unenge wawe kukona kurishandisa muhupenyu hwako.

Mweya Mutsvene anokurangaridzawo Soko raMwari. Izvi ndizvo zvatinoona muna

Johane 14 ndima 26. Pamusoro pazvo, anokupawo simba rekuparidza ruponeso rwajesu Kristu. Unozoruparidza ngehunyanzvi.

*Mabasa 1 ndima 8 inoti, "Asi muchawana simba. Kana Mweya Mutsvene auya pamusoro penyu. Mugokona kuwe zvapupu zvangu. Mugondipupurira muJerusarema. MuJudhiya rese. MuSamariya. Kusvikira kumigumo yenyika".*

# CHII CHAUNOFANIRA KUITA KANA ...

*PFUNGWA DZAKASHATA DZAUYA  
MUMUSORO MAKO?*

Wakabarwa patsva hako. Asi izvi hazviiti kuti usaedzwa. Asi haufaniri kukurirwa ngemiyedzo iyi. Mwari anotivhurira nzira yekunzvenga nayo miyedzo iyi. Anotivhurira pese patinoyedzwa. Izvi ndizvo zvinobhuya Bhaibheri. Tinoerenga izvi muna 1 Vakorinde 10 ndima 13. Saka pfungwa dzingauya mumusoro mako. Pfungwa idzi dzinokona kunge dzakashata. Iwe ita zvinotewera:

## (1) RANGARIRA KUTI WAVE CHISIKWA CHITSVA

Pfungwa dzakadai hadzibve mumusoro mako. Ngekuti iwe wakabarwa patsva. Dzinobve kunze. Dzinobve kuna Satani. Satani uyu ndiye anenge ari kukuyedza. Isu takabarwa patsva. Saka tawe kufunga saKristu. Izvi ndizvo zvinobhuya Bhaibheri. Tinozvierenga muna 1 Vakorinde 2 ndima 16. Iwe wawe chipuka chitsva. Ndizvo zvaunofanira kugara uchirangarira. Mwari anodawo kuti tigare tichirangarira izvi. Iye akatipe hupenyu hutsva. Akatiite wanhu werimweni ropa. Saka zvione semunhu akashanduka rudzi.

## (2) FUNDA KUTEERERA

Teerera Mwari! Ita zvaanokuraira! Ngatimboti wapindwa ngeimweni pfungwa. Asi pfungwa iyi yakashata. Ungazwe kumanikidzwa kuite zvauri kufunga izvi. Wobva watotanga



kuzviita. Asi wobva warangarira kuti wakabarwa patsva. Wakashanduka rudzi. Pakarepo chibva wakurira pfungwa iyi. Wobva wasiyana nayo.

Teerera Mwari! Ita zvaanokuraira! Wakabarwa hako patsva. Asi pfungwa dzakashata dzinoramba dzichiuya mumusoro mako. Hadziregeri. Asi haufaniri kudzigamuchira. Usadzirega dzichikutungamirira. Dzirambe! Pfungwa idzi dzakafanana ngeshiri. Haungarambidze shiri kutenderera pamusoro pako. Asi haungazodzisiye dzichimhara pamusoro pako. Dzichitosvika pakuwaka matendere pamusoro wako.

Pfungwa idzi dzine kwadzinobva. Saka zvingasaita kuti udzirambidze kuuya. Asi haufaniri kudzirega dzichigara mumusoro mako. Usadzirega dzichikutonga. Saka tsvaga zvimweni zvakanaka. Wozviisa mumusoro mako. Woisa pfungwa dzako pazviro izvi. Zviro izvi zvinobve zvadzinga pfungwa idzi. Izvi ndizvo zvatinaridzwa muna Vafiripi 4

ndima 8.

Ngatimboti iwe une mitambo yaunoita. Mitambo iyi ingawe yekuwaraidza vanhu. Unokona kunge uri murume. Asi uchifanira kuita semukadzi pamitambo iyi. Kurewa kuti unotopfeka semukadzi. Wogadzira vhudzi semukadzi. Uchibhuya semukadzi. Asi haukanganwe kuti uri murume. Mutambo uyu unozopera. Iwe unobve wapfeka nhumbi dzechirume. Wobva waenda hako. Ungazoenda kubasa ngeMuvhuro. Haukanganwe kuti uri murume. Unenge wawe kubhuya semurume. Uchirarama semurume. Hazvizoiti kuti udzokere kubasa. Wonobhuya semukadzi. Uchiita semukadzi.

Izvi ndizvo zvawawawo ikozvino. Pane pawakange usati wabarwa patsva. Waiita zvisina kunaka panguwa iyi. Asi zvino wawe ngehupenyu hutsva. Ndiho hwawava kufanira kurarama ikozvino. Wanga uri kurarama semukadzi. Wanga uri kuita izvi

kwenguwa yakareba. Saka dzimweni nguwa unombokanganwa. Wotanga kuite semukadzi. Asi ungofanira kubva wazvirangaridza. Wotanga kurarama semurume. Ungofanira kupepuka. Wozviudza uchiti, “Kwete. Ini handisi mukadzi. Uyu hausi mutambo uyu. Hwawe hupenyu chaihwo uhu”.

Izvi ndizvo zvaunofanira kuita. Zviite pese panouya pfungwa yakashata. Zviudze uchiti, “Ndakabarwa patsva. Uku kwakanga kuri kubarwa kwepiri. Saka ndakashanduka rudzi. Handichisiri wekare”. Hazvina basa kuti pfungwa iyi yakaita sei. Rangarira kuti wakashanduka rudzi. Uye unototi uzvirangarire. Wobva wabhuya uchiti, “Ini ndakabarwa patsva. Saka pfungwa iyi ndawe kutoisiya!”

Usarega chiwi ichi chichienderera. Uye usanyara kubudira wanhu pachena. Waudze uchiti, “Ndapota. Ini ndakabarwa patsva. Saka hazvichakone kuti ndiite zviro zvakadai!” Haufanire kuchengeta tsika dzakashata. Tsvaga

tsika dzeWamwari. Wobva watanga kuita tsika idzi. Ndiko kuti dzakashata dziende. Ichi chinhu chaunofanira kuronga kuita. Pinda muSoko raMwari. Wotsvaka tsika dzakanaka. Wozvijaidza kuita tsika idzi.

### (3) IWE IWA MUTI WESOKO RAMWARI!

Mwari anoda kuti tiite zvaanotiraira. Haadi kuti tingowe wazwi. Izvi ndizvo zvatinoona muna Jemusi 1 ndima 22 kusvika 24. Inoti,

*"Muve Soko raMwari. Musangogumira pakurizwa badzi. Ngekuti mukadaro. Munenge muri kuzvinyengera. Ngekuti kana munhu achingogumira pakuzwa Soko raMwari. Risingazoonekwi pahupenyu hwake. Anenge akafanana ngemunhu uya. Anotarisa muchioni oni. Oona uso wake. Chiya*

*chaakabarwa anacho. Asi obva ipapo.  
Oenda. Obva atokanganwa kuti iye  
munhu werudzi rupi”.*

Soko raMwari rinotsanangura zvawawe. Gara uchirangarira Soko iri. Uchirarama semunhu warinotsanangura uyu. Ikoko ndiko kuwe Soko raMwari. Mweya Mutsvene anozokubatsira kurangarira Soko iri. Ndizvo zvimweni zvaanokubatsira kuita. Ndizvo zvakabhuyiwa naJesu. Tinoerenga masoko ake muna Johane 14 ndima 26. Inoti, “Asi pane Mubatsiri ari kuuya. Iye Mweya Mutsvene. Achatumwa naBaba. Achange ari kushandisa zita rangu. Ndiye achange akandimiririra. Achakufundisai zviro zvese. Achikuyeuchidzai zvandakambokuudzai zvese”.

Mweya Mutsvene anesu. Saka tinotenda Mwari. Anotibatsira kurangarira Soko raMwari. Zvino iwe ungarangarira Soko raMwari. Ungofanire kubve wararama sezvarinobhuya.

Saka usanetseka hako. Uchityira kuti ungasarirangarira. Mweya Mutsvene anozokurangaridza. Asi ungofanire kubva warigamuchira. Uchibva waita zvaanenge ari kukuraira zvacho.

(4) RANGARIRA KUTI CHIWI  
HACHISISINA SIMBA REKUKUTONGA

Pfungwa dzakashata dzingauya hadzo. Asi hadzichakone kukutonga. Dzinokutonga badzi kana wadzitendera. Wadzigamuchira. Izvi ndizvo zvaunofanira kurangarira. Tinozvierenga muna Varoma 6 ndima 14. Inoti, “Ngekuti chiwi hachichina simba rekukutongai ...”. Iwe wawe kurarama ngenyasha. Hauchararami ngeMurairo. Saka chiwi hachichakone kukutonga. Hachisisina simba rekukuitisa zviro. Izvi ndizvo zvinotaura Bhaibheri. Rinobhuya izvi pamusoro pako iwe.

Mwari akakusungunura kuchiwi. Hachichakone kukutonga. Akakusungunura

kubve kurima. Akakupinza muHumambo hwake.

*Ndizvo zvatinoerenga muna Vakorose  
1 ndima 12 kusvika 13. "Muchitenda  
Baba. Iye akaite kuti tikodzere kupi-  
hwa pfuma yewatsvene. Iya inopihwa  
wari muchiedza. Iwo Baba waye.  
Wakatisungunura. Ndokutibvisa mun-  
zvimbo inotongwa ngerima. Wakatiisa  
munzvimbo iya. Inotongwa ngeMwana-  
komana wawo. Wawanofarira zvikuru".*

Iwe wakabarwa patsva. Uku kwakange kuri kubarwa kwepiri. Saka wawe une humambo hwawawe kugara mahuri. Humambo uyu ndihwo hweMwanakomana waMwari. Ndiyo nzvimbo yacho inotongwa ngeMwanakomana uyu. Saka masimba erima haachakone kukutonga. Masimba aya ari mune imweni nyika. Nyika iyi ndiyo yezviwi. Asi iwe wawe

mune imweni nyika. Munyika iyi mune hupenyu hutsva. Hupenyu uhu ndehweWamwari. Wanhu wenyika yako ndeweropa idzva. Ropa iri ndereWamwari. Wanhu weropa iri wanokurira zwiwi. Ndiko kusaka chiwi chisisakone kukutonga.

Vakorose 1 ndima 14 inoti, “ Iye anogara achitidzikinura. Anoshandisa ropa rake kutidzikinura. Kudzikinurwa uku kunenge kuri kukanganwira zwiwi zvedu”. Rudzikinuro rwedu ruri muna Kristu Jesu. Saka takatodzikinurwa patiri pano. Izvi ndizvo zvatinoerenga muna Vaefeso 2 ndima 5 kusvika 6. Saka hatisi kutsvage kudzikinurwa. Takatodzikinurwa. Ndizvo zvinobhuya Soko raMwari. Tingofanire kugara tichirangarira Soko iri. Tichirifarira. possession (Ephesians 2:5-6). We’re not trying to have it; we have it now! We must retain this consciousness of the Word of God and rejoice in it.



# CHII CHAUNOFANIRA KUITA KANA ...

*SHAMWARI DZAWAIMBOSITAMBA NADZO  
DZICHITSVAGE KUKUODZA MOYO?*

Iwe wabarwa patsva. Wawe nhengo yeimwenimhuri. Une mhuri yawakambozvarirwa mairi. Hauchisiri nhengo yemhuri iyi. Une shamwari dzawaisitamba nadzo. Une wanhu wawaisiziwa. Hazvirewe hazvo kuti ungofanire kubve wasiya wanhu wese awa. Hazvirewe kuti wawe kufanira kubve wasiya shamwari idzi. Ndiwe wawe chiedza chawo. Iwo havwsati wawe naJesu Kristu. Jesu uyu haasati awe mumoyo yawo. Saka wanhu awa wachiri murima. Iwe wawe chiedza chaMwari. Ndiwe

ungofanire kuwavhenekera. Usakanganwa izvozvo. Waparidzire ruponeso. Ndiko kuti wagotewerawo Jesu.

Asi wanhu awa wangatsvage kukuodza moyo. Chii chaungofanire kuita pakadaro? Bhaibheri rinobhuya pamusoro pewanhu wakadaro. Rinowati wanhu wanomhura. Wanhu awa wachauya pamazuwa ekupedzisira. Wachange wachironga zvakaipa zvega zvega. Wachiseka chokwadi. Wachimhura Soko raMwari. Tinoerenga izvi muna 2 Pita 3 ndima 3 kusvika 4.

Wanhu awa wanenge wachitsvaga kukudzosa kuhupenyu hwekare. Wanenge wachitsvaga kuti uore moyo. Asi iwe haufanire kutsauswa nawo. Mafungiro awo haafanire kukukanganisa kuhambidzana naKristu. Usazwanana nawo. Usagamuchira mazano awo. Ramba wakamira naMwari. Uchirwira Soko rake.

## KUSUNGWA PAGEJO RIMWE NGEWASINGATENDE

Wanhu wane nguwa yawakatanga kurima ngemagejo. Murimi aisunga zvipfuyo zviiri. Oshandisa zvipfuyo izvi kudhonzwa gejo. Zvipfuyo izvi zvaikona kunge dziri mbongoro. Kana kuti mombe. Zvipfuyo izvi zvaibve zvarima munda. Zvichidhonzwa pamwe chete. Zvichihamba ngegware rimwe chete. Murimi ndiye aizvitungamirira kwekuenda kwacho.

Zvipfuyo izvi zvaifanira kunge zviri zverudzi rumwe chete. Zvaifanira kusungwa dziri mombe badzi. Kana kuti mbongoro badzi. Zvisizvo, zvaizonzi zvasungwa zvisina kufanira. Ndizvo zvatino fanira kuitawo isu. Tingawe ngewanhu watinozwanana nawo. Wanhu awa wangofanire kunge wari werudzi rwedu. Wangofanire kunge wari Wakristu sesu. Zvisizvo, tinenge tasungwa zvisina kufanira.

Zvino Mwari anotiyambira. Tinoerenga yambiro yawo muna 2 Vakorinde 6 ndima 14 kusvika 16. Inoti, “Musasungwa pagejo rimwe chete ngewanhu wasina kugamuchira Muponesi”.

Iwe ungawe ngemunhu waunozwanana naye. Asi munhu uyu angasawe Mukristu. Unenge wasungwa pamwe chete naye. Kusungwa kwakadai hakuna kufanira. Hakuna kunaka. Mwari haadi kuti uwe ngehukama hwakadai. Anoda kuti uzwanane ngeWakristu badzi. Ungawe ngeshamwari dzepamoyo. Shamwari idzi hadzifanire kunge dzisiri Wakristu. Munhu wacho angawe ngetsika dzakanaka. Izvozvo hazvina basa. Angofanire kunge akabarwa patsva. Ndokuti akone kuwe shamwari yako. Kunyanya shamwari yepamoyo.

Mwari haafariri hukama hwakadai. Haahugamuchire. Kunenge kuchitowe kusungwa zvisina kufanira. Mwari ndiye

anonyatsozwisisa wanhu. Saka usawimba ngekuzwisisa kwako iwe.

Mwari akambotuma Samueri. Samueri uyu akange ari muoni. Akamutuma kumba kwajese. Akange akafanira kunotora wana wajese. Agogadza umweni wawo kuti awe mambo. Mambo uyu ndiye akange ari kuzotonga Isiraeri. Tinoerenga nhoroondo iyi muna 1 Samueri 16 ndima 1 kusvika 13. Samueri akaenda kumba kwajese. Akasvika kumba kuya. Akabve aona dangwe rajese. Dangwe iri rainzi Eriyabhi. Samueri akabve Abhuya kuti, “Uye ndiye angofanire kunge ari muzodziwa wajehovha uyu”. Asi Mwari akabve abhuya kumuoni uyu. Akamuti, “Usazodza iyeye. Ndakatomuramba kare uyu”. Mwari akazowedzera. Akati, “Ngekuti wanhu wanongotarisa uso hwemunhu. Pamwe ngechimi chake. Zvino Mwari hawadaro. Wanotarisa moyo wemunhu. Wanotarisa zviri mukati”. Ndiwo maonero

aunoita wanhu. Unongotarisa zviso zvawo. Zvimiro zvawo. Ngemasoko awanobhuya iwo. Wobva watofunga kuti wanhu wakanaka. Kana kuti wanhu wakaipa. Asi Mwari haadaro. Anotarisa moyo yewanhu.

Kune wanhu wasina kubarwa patsva. Wanhu wakadai hawana mweya yakanaka. Mwari haawaone sewanhu kwawo. Munhu angofanire kubarwa patsva. Ndokuti Mwari amuone semunhu kwaye. Munhu akadai ndiye anokona kuwe shamwari yako. Zvikuru sei shamwari yepamoyo. Zvisizvo, Mwari haadi kuti munhu uyu awe shamwari yako yepamoyo. Iwe wabarwa patsva. Pane shungu dzawawe kufanira kuwe nadzo. Shungu idzi ngedzekufadza Mwari. Saka chirega kuita zvinongokufadza iwe.

Gara moyo wako uri paSoko raMwari. Ndiko kuti Mwari agare achikukundisa. Izvi ndizvo zvatinoerenga muna 1 Vakorinde 10 ndima 13.

## CHII CHAUNGOFANIRE KUITA KANA ...

*UKATAMBUDZIRWA KUNAMATA KWAKO?*

Jesu ane mufananidzo waakambobhuya. Tinouerenga muna Mariko 4 ndima 1 kusvika 9. Mufananidzo uyu ndewe mukushi. Mukushi uyu akaenda kunokusha mbeu dzake. Dzimweni dzakawira paruware. Dzimweni dzikawira paivhu rakaoma. Dzimweni dzikawira muzvikwenzi zveminzwa. Dzimweni dzikawira paivhu rakanaka. Bhaibheri rinozobhuya mundima 16 kusvika 17 yacho, richiti,

*“Wamweni wanhu wakaite serukan-*

*garabwe. Wanhu awa wanozwa Soko raMwari. Wanobve warigamuchira. Wanorigamuchira ngemufaro. Asi hawarege Soko iri richidzika midzi mawari. Saka wanomhanya naro kwen-guwa doko. Wanozotanga kuwengerwa Soko iri. Wanozotanga kuritambudzir-wa. Izvi zvinobve zvawaodza moyo. Wobva wagumbuka”.*

Jesu ane wanhu waakange ari kurewa. Awa wanhu wanogamuchira Soko raMwari. Asi Soko iri rosadzika midzi mawari. Wanozotambudzwa. Womboshingirira hawo. Asi wanokasira kuora moyo. Wanokasira kukanda mapfumo pasi. Wanokasira kukurirwa. Kune amweni wakaite izvi. Wanhu awa wakatowanda.

Saka kune amweni wanhu. Wanhu awa hawafarire Jesu zvakadzama. Izvi ndizvo zvatiri kuziwiswa naJesu. Wanhu awa



wanofarira hawo Soko raMwari. Asi meso awo ari pane zvarinowimbisa. Zvakaita sehupenyu husingaperi. Mufaro. Ngekudairwa kweminamoto yawo. Asi hawanyatsofarira Mwari. Wanhu wakadai wangatambudzwa. Wachitambudzirwa kunamata kwawo. Wanobve wakurirwa. Izvi hazvifadzi. Iwe ungatambudzwa hako. Ungatambudzirwa kunamata kwako. Ungofanire kuramba wakamira paSoko raMwari.

### (1) UNGOFANIRA KUFARIRA MWARI ZVAKADZAMA

Mwari anoda kuti umufarire. Anoda kuti umufarire zvakadzama. Rudo runokona kuwanda. Runokonawo kudzikira. Runowedzera paunenge uri kufunga ngezvaMwari. Uchiteerera Soko rake. Uchimunamata. Uchitandara naye. Unozopedzisira wawe kumuzwisisa. Zvichibva zvaita kuti uwedzere kumufarira. Saka gara

uchiteerera Soko rake. Ndiko kuti uwedzere kumuzwisisa. Uchizowedzerawo kumufarira. Newe uchiwanawo zvakawanda kubve kwaari.

Ungofanire kumufarira ngenzira iyi. Soko ravo rinozodzika midzi mumoyo mako. Ungazosangana hako ngezviro. Unenge wawe kuziwa zvinobhuya Mwari pamusoro pezviro izvi. Saka unobve wakasira kubhuya Soko rake pamusoro pazvo.

Rurimi rwako rune simba. Runokona kuraramisa zviro. Runokona kuuraya zviro. Izvi ndizvo zvinobhuya Bhaibheri. Tinozvierenga muna Zvirevo 18 ndima 20 kusvika 21. Zvekare, iwe ungabhuye masoko. Masoko aya anenge ari kubuda mumoyo mako. Izvi ndizvo zvatinoerenga muna Matiyo 12 ndima 34 kusvika 35, pamwe na37. Saka ungofanire kuzadza moyo wako ngeSoko raMwari. Ungazosangana hako ngezviro. Unenge wawe kufunga saMwari. Uchibhuyawo saMwari.

## (2) USAKANDE MAPFUMO PASI!

Matambudziko angauya. Asi iwe haufaniri kukanda mapfumo pasi. Usabvuma kuti wakurirwa. Wakabarwa patsva. Asi izvi hazvirewe kuti hausi kuzosangana ngematambudziko. Hazvirewe kuti hausi kuzosangana ngemiyedzo. Zvinongorewa kuti Mwari ndiye awe kukukundisa. Anokukundisa matambudziko aya. Anokukundisa miyedzo iyi. Izvi ndizvo zvatinoona muna Mapisarema 23 ndima 5. Inoti, “Munondigadzirira tafura pamberi pewadziwisi wangu ...”. Unokona kunge wakatarisana ngewawengi wako. Asi hawakone kukuparadza. Ungatambudzwa hako. Asi hupenyu hwako haukone kuparadzwa!

Mwari haadi kuti ubvume kukurirwa. Mira wakasimba! Zviro zvingaoma hazvo. Asi usabvumi kukurirwa. Usakande mapfumo pasi. Mwari anokukundisa badzi. Saka usaora

moyo. Ramba wakatendeka kwaari. Iye haazombokurasise. Haazombokusiye uri wega. Uri kuzokunda. Zvisinei kuti chii chiri kuitika. Ngekuti iwe uri mukuru pazviro izvi. Isaya 43 ndima 2 inoti ungapinda hako ngemumvura. Asi mvura iyi haisi kuzokukukura. Ungapinde hako ngemumoto. Moto uyu hausi kuzokupisa. Shumira Jesu Kristu ngemoyo wese. Ndizvo zvaungofanire kuita. Zviro zvingaoma hazvo. Asi iwe mutewere badzi.

*I Vakorinde 15 ndima 57 kusvika 58 inoti, "Asi Mwari ngaatendwe. Ndiye anotikundisa. Anotikundisa muna Ishe Jesu Muponesi. Saka hama dzangu dzandinofarira. Mirai makasimba. Pasina chinokuzungunutsai. Mabasa amunoitira Ishe agare achiwedzera. Muchiziwa kuti mabasa ese aya. Amu-*

*noita muna Ishe. Haasi pasina”.*

*1 Johane 5 ndima 4 inoti, “Nge-  
kuti chiro chinobarwa naMwari. Chese  
zvacho. Chinokunda nyika ino. Uye  
rutendo rwedu muna Mwari. Ndirwo  
simba rinokunda nyika ino ”*

Mwari ndiye anotikundisa. Tinokunda kudai kana tiri muna Ishe Jesu Kristu. Saka hazvikone kuti tikurirwe. Nyatsoongorora 1 Johane 5 ndima 4. Ine simba rainobhuya ngezvaro. Simba iri ndiro rinokurira nyika ino. Simba iri rutendo rwedu muna Mwari. Saka tenda naMwari pakurarama kwako. Uri mukundi. Ndiwe anokunda. Hausi iwe ari kuzokurirwa. Wakabarwa naMwari. Uri mwana waMweya Mutsvene. Saka kukunda ndiko kwawe kwako.



## **MWEYA MUTSVENE AWE MUHUPENYU HWAKO**

**Iwe wakabarwa patsva. Izvi zvinorewa kuti wakabarwa kepiri. Uchibarwa naMweya Mutsvene** Izvi ndizvo zvatinoerenga muna 1 Vakorinde 12 ndima 13, naJohane 3 ndima 5 kusvika 8. Saka hupenyu hwako hwawe naMweya Mutsvene mukati. Saka ungofanire kumuzwisisa. Ngekumurega achishanda muhupenyu hwako.

Mweya Mutsvene ane zvaanoda kukuwanisa. Ungofanire kuzwisisa izvi. Ndiko kuti ugonakirwa ngehupenyu huri muna Kristu.

Ugowanawo chipo chaanokupa. Chinowe ndicho chatinoona muna 1 Vakorinde 12 ndima 8 kusvika 10. Ane simba raanodawo kukupa. Simba iri ndiro ratinoona muna Ruka 24 ndima 49, naMabasa 1 ndima 4 kusvika 8.

### **MWEYA MUTSVENE NDIANI?**

Bhaibheri rinobhuya ngezva Mweya Mutsvene.

Rinobhuya ngezvake munzvimbo dzakasiyana siyana. Dzimweni nzvimbo dzacho ngedzinotewera

- Tinomuona muSungano yeKare. Akange achipa wanhu simba. Simba iri rakange risiri renyika ino. Izvi ndizvo zvatinoona muna Vatongi 14 ndima 6 na19
- Tinomuona muSungano Itsva. Ndiye akange ari kushanda muna Jesu. Saka tinomuona pakubarwa kwaJesu. Pahupenyu hwaJesu. Ngemushumiro yaJesu. Izvi ndizvo zvatinaridzwa muna Ruka 4 ndima 18.
- Tinomuona muna Mabasa 2 ndima 1



kusvika 4. Akange ari kushanda muhupenyu hwewadzidzi waJesu.

- Iye ndiMwari. Munhu werudzi rweWamwari. Uye ndiye Mwari wechitatu paWamwari. Izvi ndizvo zvatinoona muna Johane 14 ndima16 kusvika 17, naJohane 15 ndima 26.
- Iye akange aripo nguwa isati yawepo. Izvi ndizvo zvatinoona muna Genesi 1 ndima 2.
- Paari ndipo panoonekwa simba raMwari. Kurewa kuti ndiye Mwari anoite zviro. Zviro zvacho ndizvo zviya zvinenge zvarairwa naMwari Baba. Izvi ndizvo zvatinoona muna Genesi 1.
- Ndiye Mweya werudo. Wesimba. Ngewenjere. Izvi ndizvo zvatinoona muna 2 Timoti 1 ndima 7.
- Ndiye Mweya anounza kusungunuka. Izvi ndizvo zvatinoona muna 2 Vakorinde 3

ndima 17.

## ZVIRO MWEYA MUTSVENE ZVAASIRI

Mweya Mutsvene harisi simba. Haasi mepo. Haasi mafuta. Haasi njiwa. Magwaro anongoshandisa zviro izvi kutsanangura zvaari badzi. Mweya Mutsvene anoite kuti wanhu wakone kubhuya ngedzimweni ndimi. Asi iye haasi ndimi. Ndiye hake anotipe simba raMwari. Asi haasi simba. Haakudzoseri kuhupenyu hwekugara uchitya. Izvi ndizvo zvatinoona muna Varoma 8 ndima 15. Ndiye anotosungunura. Izvi ndizvo zvatinoona muna 2 Vakorinde 3 ndima 17.

## CHIKONZERO TICHIFANIRA KUWE NAMWEYA MUTSVENE

- - Mweya Mutsvene anotipa simba reWamwari. Izvi ndizvo zvatinoona muna Mabasa 1 ndima 8. Mundima iyi mune soko rekuti “simba”. Soko iri

rinoturikirwa kubve kusoko reChigiriki. Soko reChigiriki iri ngerinoti “dunamis”. Soko iri rinotsanangura imweni mhando yesimba. Iri isimba rinokona kugadzirisa zviro. Isimba rinoshanda ngenzira inoonekwa. Ndiro simba ratinopihwa naMweya Mutsvene. Anotipe paanouya kuzogara matiri. Simba iri rinoita kuti tikone kugadzirisa zviro. Tinogadzirisa zviro izvi muhupenyu hwedu. Tinozvigadzirisawo muhupenyu hweamweni anhu.

- Mweya Mutsvene anoite kuti tikone kuparidza soko reruponeso. Anoita kuti tikone kuriparidza takashinga. Izvi ndizvo zvatinoona muna Matiyo 28 ndima 18 kusvika 20. NaMariko 16 ndima 15 kusvika 18.
- Mweya Mutsvene anotitungamirira. Ndiye zvekare anotitaridza kwekuenda. Izvi ndizvo zvatinoona muna Johane 16 ndima 13, naVaroma 8 ndima 14.

- Mweya Mutsvene anotinyaradza. Izvi ndizvo zvatinoona muna Johane 14 ndima 18, naMabasa 9 ndima 13.
- Mweya Mutsvene anotiraira. Zvekare, anotifundisa. Izvi ndizvo zvatinoona muna Johane 14 ndima 26, na1 Vakorinde 2 ndima 11 kusvika 12.
- Mweya Mutsvene anohamba nesu. Uye ane hanya ngezvese zvatinoita zuwa rimwe ngerimwe. Izvi ndizvo zvatinoona muna Johane 14 ndima 16.
- Mweya Mutsvene ndiye anopupura kumweya yedu. Achiita kuti tizwisise kuti tawe wana waMwari. Uye kuti tine pfuma yatakapihwa. Pfuma iyi inowanikwa muna Kristu Jesu. Izvi ndizvo zvatinoona muna Varoma 8 ndima 16, naVaefeso 3 ndima 6.
- Mweya Mutsvene anoite kuti tiwe wakasungunuka kusvika pana Mwari. Tinosvika paari kudai sewanhu wangofarire Mwari. Izvi ndizvo zvatinoona muna

Varoma 8 ndima 15, 2 Vakorinde 3 ndima 17, na2 Timoti 1 ndima 7.

## IWE UNOKONA KUWE NGEHUKAMA NAMWEYA MUTSVENE

Jesu ane masoko aakatbhuya. Tinoaerenga muna Johane 14 ndima 17. Akati,

*"Ndiye Mweya wezvokwadi. Nyika haikone kumugamuchira. Ngekuti haikone kumuona. Uye haikone kumuziwe. Asi imi munomuziwa. Ikozvino anemi. Asi achazowe mukati menyu".*

Gara uchiziwa kuti Mweya Mutsvene ari mukati mako. Mutendere ashande mauri. Ndizvo zvinodiwa mukuhambidzana naye. Saka ungofanire kuzvipa nguwa yekutandara naye. Uchitsvage kuwaziwa zvakadzama. Panguwa idzi, unokona kunge uri kunamata.

Kana kufunda Soko raMwari. Uchizwa zvaanobhuya. Ngekuite zvese zvaanokusunda kuita.

Iwe wakanyikwa muna Mweya Mutsvene. Ndizvo zvakaitika pawakabarwa patsva. Kunyikwa uku kwakaita sekunyikwa mumvura. Izvi zvinoda kufanana ngedende. Unokona kurinyudza mumvura. Robva ranyura zvachose. Izvi ndizvo zvinoitika pakubarwa patsva. Unonyikwa muna Mweya Mutsvene. Unonyudzwa maari. Sedende riya ranyudzwa mumvura.

Dende iri rinenge ranyura haro mumvura. Asi mukati maro munenge musina mvura. Saka rinenge rakafanira kuboora buri. Ndiko kuti mvura ipinde mukati maro. Ndizvo zvinofanira kuitikawo pauri. Unenge wabarwa patsva. Kurewa kuti unenge wanyura muna Mweya Mutsvene. Asi Mweya Mutsvene awe angofanirewo kuwe mukati mako. Angofanire

kugara akazara mauri.

Uye haungozadzwi naMweya Mutsvene kamwe chete. Ungofanire kugara uchingozadzwa. Mweya Mutsvene angofanire kugara achipinda mukati mako. Izvi ndizvo zvatinoerenga muna Vaefeso 5 ndima 18. Kurewa kuti ungofanire kugara uchiziwa kuti Mweya Mutsvene wanewe. Pfungwa dzako dzingofanire kugara dziri paari. Uchpmurega achishanda mauri. Achiita basa rake muhupenyu hwako. Saka unokona kugara uchizadzwa naMweya Mutsvene. Izvi zvinoitika paunowedzera kuzwanana naye. Uchitandara naye. Unotandara naye paunomurumbidza. Uchinamata. Uchifunda Soko raMwari. Uchiita zvaanokuraira. Ngekuita zvese zvaanokusunda kuita. Ndiko kuti akone kukutungamirira.

## KUBHUYA NGEDZIMWENI NDIMI

Mweya Mutsvene anopa wana waMwari mutauro. Uyu mutauro wedzimweni ndimi. Izvi ndizvo zvandambobuya pakutanga. Mutauro uyu chinotowe chitaridzo. Chinotiziwisa kuti munhu akagamuchira Jesu. Izvi ndizvo zvatinoerenga muna Mariko 16 ndima 17.

Mutauro uyu unopihwa kumweya wako. Saka haushandisi pfungwa dzako kuti uubhuye. Ndiwo mutauro unoite kuti Mukristu akone kubhuya naMwari. Anenge awe kukona kubhuya naye iye pachake. Uye mweya wake ndiwo unenge uri kubhuya kudai. Mweya Mutsvene ndiye anoisa mutauro uyu mumweya wako.

Kubhuya ngedzimweni ndimi ndiko kunamata ngemweya wako. Kana kuti kunamata mumweya. Isu tingabhuye ngedzimweni ndimi. Tinenge tiri kubhuya naMwari pachake. Izvi ndizvo zvatinoziwiswa muna 1 Vakorinde



14 ndima 4. Kubhuya ngendimi kunowaka mweya yedu. Kunoigwinyisa. Izvi ndizvo zvatinotaridzwa muna Judhi 1 ndima 20. Kunosimbisawo mweya yedu. Mweya yedu inobva yawandudzwa. Izvi ndizvo zvatinoona muna Isaya 40 ndima 31.

Iwe ungagamuchira Mweya Mutsvene. Unobve watokona kubhuya ngedzimweni ndimi. Asi ndiwe unosarudza kudzibhuye. Mweya Mutsvene haasiwo wanodzibhuya. Wanongokupa masoko acho ekubhuya. Iwe ndiwe unosarudza kuabhuya. Saka unokona kubhuya ngedzimweni ndimi. Uchibhuya kuna Ishe. Unoite izvi pese pawadira.

Unotanga uchidzibhuya zvishoma. Asi ungofanire kugara uchidzibhuya. Unozopedzisira wawenyanzvi. Zvinongofanana ngemwana mudoko. Anotanga ngekubhuya masoko mashoma. Ozopedzisira awe nyanzvi. Ndokunge aramba achifundira kubhuya

kwacho. Ndizvo zvaunotawo pakubhuya ngendimi. Ndimi idzi mutauro. Wakasiyana ngemitauro yaunoziswa. Haufanire hako kuita wekufundiswa. Asi ungofanire kugara uchiubhuya. Ndiko kuti ukone kuubhuya ngehunyanzvi.

Saka gara uchibhuya ngendimi. Izvi zvinoite kuti mweya wako ukure. Iwe uchizokona kushandisa zvimweni zvipo zvaMweya Mutsvene.

## KO, UNGOFANIRE KUENDA KUCHECHI HERE?

Jesu akambobhuya pamusoro peWasanangurwa wawo. Wasanangurwa awa ndiwo Muwiri wawo. Ndiwo wangowamiririra panyika pano. Tinoerenga masoko aJesu aya muna Matiyo 16 ndima 18. Akati akange ari kuzowaka Sangano reWasanangurwa awa. Achiriwaka zvekuti masuwo egomba remoto haakone kuwadziwisa.

*1 Vakorinde 12 ndima 12 kusvika 14  
inoti, "Ngekuti muwiri zvauri umwe*

*chete. Asi uine nhengo dzakawanda. Dzakabatana kuumba muwiri umwe chete. Ndizvovo zvakaite Muponesi. Ngekuti isu tese. Wangawe Wajudha. Kana wasiri Wajudha. Nhapwa. Kana wakasungunuka. Takanyikwa mumuwiri umwe chete. Tikaputirwa imomo naMweya wamwe chete. Uye takanwiswa muna Mweya wamwe chete iwawo. Ngekuti muwiri wakaumbwa ngenhengo dzakawanda. Kwete imwe chete”.*

Isu tisu Muwiri wacho. Kristu ndiwo Musoro wacho. Wakristu wese mitezo yeMuwiri uyu. Wakristu awa ndewaye wakabarwa patsva. Zvekare, Wakristu awa inhengo dzinosimbisana. Izvi ndizvo zvatinotaridzwa muna 1 Vakorinde 12 ndima 27. Tiri nhengo dzemuwiri waKristu. Saka tinoshanda senhengo dzemuwiri wemunhu. Nhengo idzi hadzikone kugara dzakaparadzana. Imwe ngeimwe

haishandi iri yega. Iri payo. Dzingofanira kunge dzakasungana. Dziri pamwe chete. Ndizvo zvakaitawo nhengo dzemuwiri waKristu. Mwari akape nhengo imwe ngeimwe chipo. Zvipo izvi zvakasiyana siyana. Asi zvese zviripo kubatsira Wasanangurwa waKristu. Izvi ndizvo zvatinoona muna 1 Vakorinde 12 ndima 18 kusvika 24, naVaefeso 4 ndima 11 kusvika 12.

Saka Mukristu angofanire kusangana ngeamweni paMinamoto. Angofanire kuwe ngesangano raari nhengo yaro. Ngekuti izvozvo ndizvo zvinorairwa naMwari. Patinosangana kudai. Tinoropafadzana. Tinenge tichishandisa zvipo zvedu kuropafadzana. Umweni anenge aine chipo chekushanda minana. Umweni chekuporesa. Umweni chekubhuya zviri mumweya. Saka ungofanire kuenda kuminamoto yesangano rako. Ndiko kuti ukone kunatsa kuzwisisa Soko raMwari. Uchizwa huchapupu hweamweni. Ngekuona minana ichiitika. Ungofanirewo kupota uchinamata

pamwe ngeamweni. Pane maropafadzo aunozowana. Aya maropafadzo anongopihwa kugungano. Mweya Mutsvene anenge achiapa kunhengo imwe ngeimwe. Izvi ndizvo zvatinoona muna Vahebheru 10 ndima 25, naMabasa 1 ndima 14, naMapisarema 133 ndima 1 kusvika 2.

Ungofanira kuwe nhengo yesangano. Zvisizvo, kurarama ngeSoko raMwari kunozokuremera. Sangano iri rinofanire kunge riri rinogamuchira Mweya Mutsvene. Ungofanire kuwe ngezvaunoitawo musangano iri. Izvi zvinozoite kuti uzwisise sangano iri. Pamwe ngekuziwa nhengo dzaro. Mweya wako unozowakwawo. Uchikura. Izvi zvinozoita kuti urerukirwe ngekurarama muSoko raMwari. Uchizokonawo kubudirira pakushumira kwako Mwari.

Iwe wawe Mukristu. Ungofanire kuwe nhengo yesangano. Sangano iri rinotofanira kuwe musha wako. Ungofanire kuwana

zvaunotoita musangano iri. Zvisizvo, unozodarikwa ngemaropafadzo aMwari akawanda. Zvekare, unenge usiri kuite zvinodiwa naMwari.

Iwe wakabarwa patsva. Chirarama semunhu akabarwa patsva. Usarega kusangana ngeamweni wesangano rako. Zvinowe ndizvo zvatinoiyambirwa muna Vahebheru 10 ndima 25. Saka usashaikwa paminamoto yesangano rako!

# UNGOFANIRE KUGARA UCHIKURA PAMWEYA

Rutendo rwako runokona kukura. Runokona kuwedzera. Runowedzera paunenge uchizwa Soko raMwari. Izvi ndizvo zvinobhuya Bhaibheri. Saka ndine fundiso dzandinoda kuti uwane. Fundiso idzi dzinokubatsira kukura pamweya. Dzinoite kuti ukone kurarama hupenyu hweChikristu. Dzinoite kuti rutendo rwako rukure.

Wana fundiso idzi. Udziteerere. Udzishandise pakurarama kwako. Hupenyu hwako hunozoshanduka. Huchiwedzera kunaka. Fundiso idzi ndedzinotewera:



Kuda ungade kuziwa zvakawanda pamusoro peshumiro  
yaMufundisi Chris Oyakhilome, pamwe ngezvinyorwa  
zvawo. Tibate pa:

**United Kingdom:**

Unit C2, Thamesview Business Centre  
Barlow Way, Rainham, RM13 8BT  
Tel.: +44 (0)1708 556 604

**South Africa:**

303 Pretoria Avenue  
Cnr. Harley and Bram Fischer,  
Randburg, Gauteng, South Africa.  
Tel: +27-11-326 0971,  
+27-11-326 0972

**Nigeria:**

Christ Embassy  
Plot 97, Durumi District,  
Abuja, Nigeria.

**Nigeria:**

Plot 22/23 Billings Way, Oregun,  
Ikeja, Lagos.  
Tel: +234-808 586 5700,  
+234-817 198 7339  
+234-802 478 9892-3

or email: [pastorchris@christembassy.org](mailto:pastorchris@christembassy.org)  
*Please include your testimony or help received  
from this book when you write.  
Your prayer requests are also welcome.*



## **OTHER BOOKS BY PASTOR CHRIS OYAKHILOME**

- 🔊 **PROPHECY: UNDERSTANDING THE POWER THAT  
CONTROLS YOUR FUTURE**
- 🔊 **HOW TO MAKE YOUR FAITH WORK**
- 🔊 **PRAYING THE RIGHT WAY**
- 🔊 **THE POWER OF TONGUES**
- 🔊 **THE GATES OF ZION**
- 🔊 **JOIN THIS CHARIOT**
- 🔊 **DON'T STOP HERE!**
- 🔊 **7 THINGS THE HOLY SPIRIT WILL DO IN YOU**
- 🔊 **7 THINGS THE HOLY SPIRIT WILL DO FOR YOU**
- 🔊 **WHEN GOD VISITS YOU**
- 🔊 **HOW TO RECEIVE A MIRACLE AND RETAIN IT**
- 🔊 **NOW THAT YOU ARE BORN AGAIN**
- 🔊 **THE HOLY SPIRIT AND YOU**
- 🔊 **NONE OF THESE DISEASES**
- 🔊 **THE OIL AND THE MANTLE**
- 🔊 **YOUR RIGHTS IN CHRIST**
- 🔊 **KEEPING YOUR HEALING**
- 🔊 **THE PROMISED LAND**
- 🔊 **RECREATING YOUR WORLD**
- 🔊 **RHAPSODY OF REALITIES DAILY DEVOTIONAL**
- 🔊 **RHAPSODY OF REALITIES TOPICAL COMPENDIUM  
(VOL 1, 2, 3 & 4)**
- 🔊 **HEALING FROM HEAVEN (VOL 1, 2 & 3)**
- 🔊 **HOW TO PRAY EFFECTIVELY (VOL 1)**

**PLACE YOUR ORDERS NOW!**

FOR MORE INFORMATION CALL:

UK: +44(0)1303 270970; CANADA: +1-416-746 5080  
USA: +1-301-860 0703 SOUTH AFRICA: +27 11 326 0971,  
+27 11 326 0972, NIGERIA: +234-8023324188, +234-8052464131,  
+234-1-8925724. Or visit [www.christembassyonlinestore.org](http://www.christembassyonlinestore.org)

---

